

10.04.2015



U srijedu 08.04.2015. održana je 36.redovna sjednica Upravnog odbora Udruženja poslodavaca BPK Goražde.

Na dnevnom redu našle su se tačke dnevnog reda oko pripreme za održavanje 9.Skupštine Udruženja poslodavaca BPK Goražde.

Naime, Upravni odbor je utvrdio dnevni red za Skupštinu i odredio datum 16.4.2015.godine u 13,00 sati za održavanje godišnje izvještajne Skupštine.

Upravni odbor je također utvrdio Izvještaj o radu Udruženja poslodavaca BPK Goražde za 2014.godinu u kome su sadržani Izvještaji o radu Upravnog odbora, Nadzornog odbora, Tehničke službe, te rada delegacije u ekonomsko-socijalnom vijeću BPK Goražde.

Utvrđen je i Program rada za 2015.godinu. Ocijenjen je kao ambiciozan, te je zaključeno da će težište rada Udruženja poslodavaca BPK Goražde biti prvenstveno na rastrećenju privrede na osnovu analize opterećenja privrede koju je izradilo Udruženje poslodavaca BPK Goražde.

Utvrđen je također i Finansijski plan za 2015.godinu i upućen Skupštini Udruženja poslodavaca na razmatranje i usvajanje.

Upravni odbor je razmatrao inicijativu za obilježavanje 10 godina postojanja i rada Udruženja poslodavaca BPK Goražde koje se navršava 06.maja 2015.godine.

Zaključeno je da se ovaj jubilej održi na prijedlog članova Upravnog odbora u „Drinskoj bašti“ uz prigodan program i dodjelu zahvalnica.

Upravni odbor je razmatrao također i zaključak sa sastanka sa Premijerom vezano za prijedlog za rasterećenje privrede. Dogovoreno je da se pošalju prijedlozi za rasterećenjem počevši od „općekorisnih funkcija šuma, „komunalnih taksi“, administrativnih taksi“, sudskih taksi“, poreza na imovinu, naslijeđe i poklon, poreza na nepokretnost, te visinu rente i sl.

Do kraja sjednice Upravni odbor je primio k znanju informaciju o stepenu realizacije projekta „Privredni vodič BPK Goražde“. Naime, projekat ulazi u završnu fazu i planirano je ako nebude većih poteškoća da se završi do kraja aprila i da bude promovisan na dan obilježavanja jubileja 06.maja 2015.godine.

Tehnička služba